



Thomas natus est Badenis Heluetiorum anno circiter 1524. Ibi cum prima literarum rudimenta didicisset, sese anno millesimo quingentesimo quadragesimo ad Basiliensem Academiã contulit, atque artibus & linguis præclaram operam nauauit. Cum etiam dextræ manus usum minus expeditum haberet, sinistra omnia scripsit, atque eum habitum sibi comparauit, ut præceptorum dictata celeriter exciperet, & suos cõmitones plerunq; superaret. Tum etiam sacris literis incubuit, atq; earum assidua lectione uerę religionis fundamēta feliciter iecit. Eo in loco nos cõmitones literarum fuimus, atq; nunquam inter-

morituram familiaritatem inuimus. Quoniam autem sumptus ñ, qui ad studia requiruntur, ipsi deessent, post tertium annum commodè accidit ut patrum aliquem nactus in Italiam sese receperit, atque Bononiæ magna assiduitate Philosophos differentes per aliquot annos audierit. Vbi etiam talem rerum cognitionem adeptus est, ut meritò doctissimis Philosophis connumeretur. Postea quoque Medicinæ studium coniunxit, atque sua eruditione effecit, ut suprema Doctorum insignia omnium acclamatione imperarit. Deinde per aliquot annos Medicinam exercuit, atque tandem, post decennium quasi, ex Italia in Germaniam, omni genere literarum instructus, redijt.